

與語時事及先帝殉社稷輒嗚咽流涕時金陵福建相繼陷歿何
閣部騰蛟駐湖南招延豪傑龍采爲言於閣部資送軍門陳時務
不見用拂衣歸入 國朝棄巾服高隱中鄉山中植梅數百株且
夕吟詠其下晚益潛心理學作先天圖說頗有所發明所著有潛
庵逸草四卷光祚爲文嘗自稱世外逸叟窵谷野老其卒也金德
嘉志其墓稱之曰有明高士而當塗黃師憲輓以詩云西風吹老
鬚先霜幾度青山送夕陽回首柴桑今已矣黃花猶帶晉時香蓋
皆以遺民許之也

晏際盛字湘芷一字湘君新化人崇禎時廩膳生性孤子與俗寡
諧人 國朝棄巾服以布衣終好作詩景陵周澤長荆門黃士珩
先後爲新化教官俱與之唱和甚相得時同縣郭自成亦以博洽
稱與邵陽車萬含唐懋載劉應祁車鼎黃同受知督學高世泰拔
寶慶府志卷第百二十五 耆舊傳遺民 三

入三楚文獻館中崇禎壬午副榜有介行入 國朝亦不仕時又
有李遇唐龍襲者俱有聲遇唐新化人崇禎末恩貢嘗敘述罷革
時事及楚黔內附本末甚悉襲字龍衣城步人亂後逃禪精研內
典見王夫之龍源夜話皆遺民也

簡文灝字吉人別號培松邵陽人鄉賢慈利訓導而廉之子性敏
篤博學能文與弟文瀚文灝齊名時稱三簡崇禎末學使堵允錫
考充拔貢旋罹國變既而允錫督師荆常召使監軍未赴丙丁之
際聞粵相繼稱號其時閩部蘇觀生有議曹之命何督輔騰蛟有
監紀之徵皆堅辭不就日侍其父於萬山中所居有古柏環列左
右蒼然森立皆大十圍吟哦其下有柏園詩集嘗自稱先朝處士
培松山人子珍舉康熙己酉湖廣鄉試第一自有傳

王玠字匪石邵陽人嗣乾族人也邑廩生住石馬江距郡城三十

性豪俠家固饒知世將亂散金結客凡士大夫往來資邵者
必投轄信宿而去郡縣長吏事關大利弊多造訪而行丙丁以後
棄巾服爲僧嘗與大錯和尚錢邦邑及車以避嗣乾諸人遊白雲
巖邦邑有記所云匪石載酒具舟者也戊子何督輔騰蛟殉節湘
潭家屬百口無所歸賴玠得濟其仗義多類此

劉世英字舉我新寧人性堅定苦志力學以經義教授鄰縣三十
餘年出其門者多名下士明季兵亂歸山爲諸子課業益篤尤精
易解終身不出戶庭人每以迂老目之

張大翔字九萬城步人值明末貢才不仕嘗構廬於縣之僻境其
地有盤石寬不半畝高可數尺磊落戴土隱若浮動大翔結亭其
上日與諸生執經講業暇則與田家較雪量雨出入相友顏其亭
曰浮石示以浮雲富貴之意亦以強忍之操介石不移能俯視一

府志卷第百二十五 耆舊傳遺民 古

切 子良英字燦三績學有器識克繼父業

羅從義字養浩邵陽人祖時仰父維極世以隱耀重於中鄉從義
順秀美姿容穎慧絕倫明季爲縣學生以世亂深自韜晦購書數
千卷閉戶默誦悠然自得與同縣車以遵祁陽劉維贊及衡陽二
王交好維贊字子參二王即介之夫之兄弟世所稱石崖而農雨
先生與以遵維贊同以文章氣節顯於時者也夫之奉其母避亂
中鄉流離之中適有寧居從義周全之力也性嚴重端居言笑不
苟而事婦母彭不改嬰孺之色側身兵火曲盡孝養母年九十卒
悲感行路從義內行甚篤兼善治生內友諸昆旁及羣從逃宗三
黨俱無異視又能以其暇治田園廓庭宇嘉木清流自怡其性故
雖處亂世而顧瞻俯仰寬然有餘入 國朝年五十七卒夫之爲
志其墓見船山遺集子瑄自有傳

李作梅字子和新化人其先有仲良者明宣德中以貢官刑部主事自仲良之祖故之而下至作梅十一世皆隸於學爲府縣學生父藻有還遺金事自有傳作梅慷慨有膽略能知人家故僥於財當開革之際散金結客所交多奇人魁士順治七年寶慶初內附續順公沈永忠奉 朝命鎮守九年李定國從貴州至郡復陷永忠將退保湘潭潰兵四散其部將李戴擁之東下至新化之赤石遇風舟壞亂民乘之擠永忠墜水事聞 朝命將盡誅左右居民先是作梅遇一髯於武昌知其非常人厚相結納而別至是 朝命以永忠故遣官問墜水狀卽作梅所結識之髯也得免誅求明季之亂有鍾氏強暴兩人獲一美女子爭持不下將殺之作梅以金贖歸訪還其家牛萬才掠新化甚慘章京線國安將兵破之萬才遁國安駐新化久聞作梅有豪俠名遣使致禮作梅往謝從容

寶慶府志

卷第百二十五

耆舊傳

遺民

言將軍麾下頗多擄掠婦女國安躍然喜曰非子和不同此語卽痛懲其下諭鄉民各認歸所掠一夕移營北去陰與作梅約有煙者束稻草然之舉煙爲號所過村墟無不煙者乃歎曰噫何李子和親串之多也其保全鄉里類如此作梅家居嚴肅造次必依禮法事繼母至孝曲盡色笑出必揖其婦以母諄屬如在家時歸則長揖謝之俗傳其夫婦相見如賓故有李子和深禮之謠也一夕母病騎而往城求醫中途假寐遇虎馬驚踏作梅指而告曰吾母病須藥而爾當途必欲乘人之急耶虎逡巡去其事雖稱於時新之婦人女子皆能言之見新化鄧顯鶴所作遺事述所云於國爲遺民於家爲孝子於里爲功臣蓋遺民中之最有功鄉里者子殿樞孫光麟曾孫文繼元孫宗泮來孫洽浚五世相繼舉於鄉殿樞文繼自有傳

柯日新字銘吾新化人與同縣張炯友善炯以理學名於時其子聖聖域入 本朝兄弟偕隱嚴塘足跡不履城市日新以父執訪之高冠大袖言論娓娓時年已九十矣聖聖感之爲詩以謝云翁與吾翁同甲子翁來一問感余心六朝耆老衣冠偉九十春秋閱歷深養氣達生規性命藥言苦口勝著優天工幸有存庸士願受先生導引箴日新食餽最早萬曆庚申歲貢官道州訓導遷廣西平南教諭再遷太平教授八十休致歸年九十八卒以其年計之入 本朝亦已久矣子鳳翔鳳翥鳳翔孫大林大茂曾孫廷燦愈芳世有文名廷燦愈芳以康熙壬子丙寅相繼膺選拔去日新之卒蓋猶未遠李天任弗過居集有中秋戲簡柯伯微詩伯微卽愈芳也天任與張聖域兄弟善有寄張五定遠春日懷定遠詩見弗過居集定遠聖域字也聖聖域均見遺民天任入 本朝以

寶慶府志

卷第百二十五

耆舊傳

遺民

歲貢官辰谿訓導故不得列於是附錄天任寄張五定遠詩徒然何又春口憶定遠詩雨黑山常閉門虛書未開花驚此日放春白故人來書信兵前阻平安夢裏猶請看路上路愈自長春苦黃昌國字啟明一字慕園邵陽人所居在縣東墨溪故自號墨溪居士幼嗜學能文有幹略隸郡學有聲明季羣盜竄起墨溪當東路衝受害尤甚昌國父吉星字斗門故以俠聞於里中者也天王寺之變昌國率其弟昌圖昌代佐父團練鄉勇從司理李夢日禦賊於大陂頭卒蕩寇氛里中以安事平昌國請於夢日手書紀忠碑勒戰歿馬之驛等四十五人名姓於上昌國性至孝嘗奉母避兵居巖穴侍膳寢如平日王進才跡至兄弟被執昌國結賊釋姊舅弟以安母心自蹈虎口弗顧也卒以計脫不及於難永明王立屢招不出鼎革後遷入墨溪深處束髮以儒服終常自作墨溪居

士傳曰居士何人舒嘯於墨溪之野遂自號曰墨溪居士墨溪勢阻而林茂澗壑迴環冠蓋罕到居士之所盤旋居士貌則矍然其則翛然喜讀書思有用於世遭時不偶身枯意搞聊假於詩以自娛樂涼夜獨處撫躬長歎輒欲自傳既無可傳乃鳴鳴而歌以寫其牢騷骯髒之氣歌竟其聲於咽其意悄然以悲卒不知居士爲何人也昌國晉詩有慕園集未見墨溪黃氏世有文學乾隆丙辰舉人有文鐸者昌國之曾孫也

彭大方字正楚邵陽人幼聰穎好學稍長攻苦爲文力追先正既再試不遇遂盡足場屋日陶情詩酒間有終焉之志大方無子一女適中鄉羅玠玠號坦廬亦志節士也大方一日葬其妻甯氏於彭家衝語其婿曰吾無子他日亦欲瘞骨於此盍爲我建一庵以守之庵成名曰息壽大方日居庵中子然一身益自蕭寥迨

寶慶府志卷第二十五

耆舊傳 遺民 七

國朝薙髮令下邇謀結茅於庵後深僻足跡不到處實以生平所積圖史坐臥其中終歲未嘗窺戶雖玠與親子姪往候之亦不見也居庵後十二年卒

楊素字太素新化人前明諸生也學使駐衡州調考以大收錄縣學第是爲崇禎丁丑見楊氏語素恬淡嗜學亦好吟性耿介寡應酬而敦篤內行母歿哀毀廬墓入本朝棄巾服築精舍環植梧柳松竹名曰竹墅朝夕寢處其中大署其門曰學慙爲豚羊性恥作陽鱉每晨起危坐閣中焚香擊磬儼若羲皇上人非其人不能到也性好飲每飲微醺高卧小窗不復與聞世事邑學博江陵黃晉問士珩名士也嘗與唱酬贈以詩有酒興酣能默詩情簡更遙之句其梗概如此有詩一首見沅湘耆舊集舊志列入隱逸蓋不欲失其志也子允迪孫如炯如正自有傳

周南字渭公新化人博雅工詩有高節人皆以渭公呼之吳逆踞衡之年僞提學某按試寶慶於雙清亭見一聯云梅放橋頭看踏雪老人從此過去石橫溪畔教納履孺子從後追來書法橫逸墨審猶未乾也大嗟異使人蹤之不見以爲仙渭公生長新化之高平負氣自豪志意蘊憤遭世亂慨然有澄清之志時以伏處里閭不得交天下豪傑爲恨開革後歌泣空山行吟哀怨於一時勞臣節士不憚流連往復見之歌詠以寄其哀亦謝臯羽鄭所南之流亞也有詩一卷久佚今所存僅五首一首詠金學曾其四首分詠車以遵喬汝遷徐守賢翁仲碧四人皆詩史也金學曾云邵州十載饑無穫萬族嗷嗷靡所託金公絕訟分官振遺黎始有生全樂昭陵豪族會與李萬石輕捐惠鄰里大吏申詳給冠帶儒者聞風日興起一時守宰俱令德晝夜分布金公澤社倉社學徧荒

寶慶府志卷第二十五

耆舊傳 遺民 八

郊齊民砥礪無譴辱邵州從此濟艱危尸祝其建公生祠至今祠宇久荒落翹首先賢勞夢思車子以遵云跋涉昭陵西復東頗存全局貯胸中多情獨有車公子信筆能傳故老風喬公汝遷云曾是天家食邑臣敢貪餘息負君恩同僚劉乃俱全節願赴滇營碎此身徐公守賢云南渡金陵祥又傾人心天意其亡明左方叛後誰懷舊賸有台溫一總兵翁子仲碧云號召全憑器與名君王持此豈容輕區區聊助中興餉誰敢貪邀半命榮以遵見遺民汝遷守賢均見徇將汝遷指揮之後同僚劉乃俱全節劉謂壯猷乃謂乃鎮國俱以指揮殉節死見大政紀守賢本姓劉冒舅氏姓爲徐左方叛後誰懷舊左謂左夢庚良玉子也方謂方國安二人皆守賢主帥不終於明以見守賢之終始監國一隅志節矯然不可及也仲碧見任俠其事皆不載舊志

案渭公一字夢呂昭平知縣之翰子也或以爲懷隱生不知所終

舒加冠字君錫武岡人性篤孝友有隱德門庭雍睦能以禮讓化一鄉入本朝牧守聞其賢屢延至鄉飲子二人仕隸於州學爲廩膳生偉康熙朝恩貢加冠年九十餘仕兄弟亦皆頌白時率妻孥斑彩承歡卒後當事聞於朝請祀鄉賢學使繆沅加看云賴光匿彩居然勝國名賢養志讓財不愧一鄉善士國朝鄉賢以布衣從祀者加冠一人而已

魏楚朝字振寰邵陽人讀書喜吟丁明末世亂賦重民困鄉里多流離楚朝寄跡僧舍蒿日時艱嘗題寺壁云安得化幻身往生極樂國蓋幾乎菰楚遺音矣性好施值大雪數日里無乞丐迹惻然曰此必爲雪阻也遂自負米冒雪行四里許於地名祖師殿以給之其好善若此生平造庵寺布施長住田甚多有知楚朝者曰振寰非佞佛特以身經劫運欲仗佛慈普度衆生耳今子姓蕃衍隆

寶慶府志卷第百二十五

耆舊傳遺民

五

回魏氏以文學科第顯者皆其子孫也

有朱企銑者岷藩宗室也有詩才甲申後應貢不就棄巾服易名金尤入國朝當應聘同劉應祁修郡志亦遺民也

志曰程篁墩之作宋遺民錄也哀王鼎翁謝臯羽唐玉潛三子之事不得見於史也因哀輟以傳而附以一時意氣相與之人爲十丑卷以謂三子者當運去物改之後徬徨徙倚於殘山賸水閒孤憤激烈悲鳴長號若無所容其身者然而其志則已光耀硤鐫於青天皎日之下雖歷萬世光景常新不與海桑而俱化矣豈以史之載不載爲加損哉我朝鼎革初攀鱗之徒聯翩競起有明癸未一科爲宰相尙書於國朝者不一人也而應斗以癸未進士官殘明御史滇黔內附後獨與其弟應星偕隱威溪徵車屢迫卑臥不起跡其風節豈在梅邊歸髮下哉而一時名人逸老如以

遵鼎黃嗣翰嗣乾祥麟聖域諸人甘管寧陶潛之貧賤而不悔者比比也舊志涸列諸門略無區別今哀而錄之益以各家譜牒古文碑記舊志所遺者爲遺民傳凡得三十四人附見二十人雖遺佚尙多亦略存梗概云爾

寶慶府志卷第百二十五終

寶慶府志卷第百二十五

耆舊傳遺民

五

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版， ...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>